

Шаркан сельсовет сьоры уиське

Шаркан сельсовет вазь кизено тысе культу-
раоссэ но етинэз кизьса 20 мае быдэстиз. Вочыз
1.208 гектар интые 1.209 гектар киземын. Со по-
лысь, етин—91 гектар.

Али вань кужым бер кизено культураосты
кизенэ кутэмын.

Сельсоветлэн председателз **ТИХОНОВА.**
Секретарез **НИКОЛАЕВ.**

Минеральной удобениос овол

„Ля лъшур“ колхозысь
етйнлэсь выль удалтонлык-
сэ басьтон понна нюр'ясь-
кись звено 3 гектар вылэ
етйн кизиз. Со етинэз жеч
бүдэтон понна кулэ луись
удобениос өвл. Соин ик,
звено етйн муэз пенен ги-
нэ кыедано луиз.

Колхозлы минеральной
удобениосты тырмымон сё-

то. Сое Ижысь ваёно лык-
тэ. Нош колхоз правление
сое ваён понна, одйг пичи
но, уг скулмаськы.

Колхоз правленилэн ми-
неральной удобениосты
вайымтэез чидантэм. Етйн
бордын ужась звенолы чик
жегатскытэк кулэ условиос
кылдытоно.

СЮЛМАСЬКИСЬ.

Филатов тулыс кизенэз жегатэ

„Кивва“ колхоз тулыс ки-
зён азын государстволэсь
сётэм ю тысьсэ ворттыса
өз быдты. Соин ик, али кол-
хозлэн председателз Фи-
латов тулыс кизенэз жо-
ген быдтон интые, ужась калык-
сэ Воткаысь ю-тысь ворт-
тытэ.

Со сяна, Филатов 1936 аре

5 гектар жегез му вылэ кель-
тйз. Соин ик, туэ аре пудо-
ослы куро өз окмы. Вал'ёс
кулыло.

Озын ик, Филатов ды-
шетскись пинал'ёслы но
нянь уг сёты. Уноез ды-
шетскисьёс дышетсконзэс
куштыса, колхозын ужало
ни. **Н. КОРЕПАНОВ.**

Агроправилаосты тияса ужало

„Вукогурт“ колхозлэн
председателз Федоров Иг-
натий но счетоводэз Ники-
тин Андрей муз'емзэс ки-
зыны кидыссы уг ке но
тырмы, кидыслы вис'ям се-
зынэз вал'ёслы сюдыто.

От'я вераса, магысь ар'-
ёсы 7—8 миллиард пуд

нянь понна нюр'яськоно
шуса Сталин эшлэсь верам-
зэ быдэстон понна татын
нокин ик уг скулмаськы.
Агроправилаосты тияса
ужало. Лымы улэ гырса
кельтэм муоссы туж пук-
сьылэмын. Озын ке но сое
культивировать уг каро. К.

Ижевске Г. Д. Щеголев эш лыктиз

Удмурт научноиссле-
дательской институтлэн өте-
мез'я, Григорий Дмитрие-
вич Щеголев Москваысь
Ижевске лыктиз.
Азин улэп дыр'я, со деви-
зионной артиллериялэн ко-

миссареныз вал, нош комдив
кулэм бере—Азинской де-
визилэн комиссареныз.

Щеголев эш Ижевскын
Удмуртиысь гражданской
войналэн историезлэн ма-
териал'ёсыз бордын ужа ни.

1887—1937



Толон, 20 маё В. И. Ле-
нинлэсь братсэ, Александр
Ильич Ульяновез казнить
карем нуналысен 50 ар тыр-
миз.

Суред вылын: Александр
Ильич Ульянов.

Тау Сталин эшлы

Мон сизыым нылпиослэн
бубызы. Со нылпиосы пон-
на туэ туж бад'зым шумпо-
тонэз ад'зи. Государство мы-
ным 2 сюрс манет пособие
сётйз. Со коньдонэлы ныл-
пиосылы дйськут но сион
юон басьто.

Вакчияк гинэ нылпиосы-
лэсь улэмзэс но ужамзы
сярысь возьматэме потэ.
Бад'зымез нылы парсь фер-
маын ударница луэ, одйгез
пие 7 классын, кыкез ныл'-
ёсы начальной школаын
дышетско, кылемез гуртын
уло на. Нылпиосы шоры
учкисько ке, бад'зым шум-
потонэн шобьртскисько.
Кыче мусоесь но устоесь
соос будо.

Тау Сталин эшлы, парти-
лы но советской правитель-
стволы, соослэн мынам ныл-
пиосы понна бад'зым скул-
маськемылы.

П. ВАХРУШЕВ.

„Калинино“ колхоз

Районлы бадзым шумпотон

24-тй мае Шарканысь сокултура коркан Удмуртской государственной драматической театрлэн гужем сезонэз усътйське. Театр усътйськон а елы сокултура коркан бадзым дасяськон уж нуэмын. Театр быдэсак электрифицировать но радиофицировать каремын луоз. Электричество „Металлист“ артель сётоз.

Удмурт театр Шарканын дас умоесь пьесаосты быдэн куиньпол возьматоз: Гавриловлэсь—„Кезыт ошмес“, Петровлэсь—„Зибет зурка“, Островскийлэсь—„Бальзаминовлэсь кышно-яськемез“, Гольдонилэсь—„Кык господаослэн слугазы“, Гавриловлэсь—„Чагыр син'ёс“, Мольерлэсь—„Эриктэмен эм'яськись“, Гавриловлэсь—„Геройёс“, Корней-

чуклэсь—„Платон Кречет“, Кочергалэсь—„Пойдешь не вернешься“, (Зуч кылэн) но концертной программа (кыр-зан'ёс, актон'ёс, декламациос).

Театрлэн составез 60 мурт. Художественной кивалтйсьез но главной режиссёрез А. И. Саратов, режиссёр'ёсыз К. А. Ложкин но И. В. Гаврилов, администраторез И. А. Ложкин. Удмурт театр Шарканын 10-тй июлэз ужалоз.

Удмурт театрлэн Шарканэ лыктэмез—районлы туж бадзым шумпотон. Районысьтымы колхозник'ёс, колхозницаос, ужасьёс но служащойёс удмурт искусстволэсь самой выль азинскемзэ адзозы.

М. МАЛЫХ.

Ветпунктысь чиновник'ёс

Туэ, сион уродэн, пудоослы пи вордскытыны сёкыт луэ. Соин ик, колхозник'ёслы чем дыр'я Шарканской ветпунктэ обращаться кароно луэ. Нош ветпунктын уно дыр'я сторож гинэ луэ. Демин но Новоселов ветфельдшер'ёс квартираязы луо.

Ачиз ветпункт кырсь но пеймыт. Унояз колхоз'ёсын пудо гид'ёс но солэсь умоесь.

15-тй мае „Ким“ колхозысь стахановешлэн Ефремов Иванлэн скалэз кунян вайны быгатытэк, курадзыны кулскиз. Ефремов эш Шаркан ветпунктэ мыноно кариськиз. Ветпунктэ вуыса, ветфельдшер'ёслэн соин вераськемзы но уг поты (Демин но Новоселов яратоноссы сярэсь верасько вылэм соку). 3 час ортчез

бере гинэ, Новоселов Ефремов сёры мыныны кариськиз.

Новоселов Ефремовлэсь скалэз учкыса, „Кунян вайны сёлы вазь на, юнме гинэ ветеринарной ужасьёсты беспокойть кариськоды“—шуиз но, нокыче ужрад'ёс кутытэк, берлань кошкиз.

Скал чукнаозь курадзыса, кунян вайны өз быгаты. Ефремов эш соевандоно луиз. Тйни ветпунктысь ужасьёслэн асьсэ ужзы шоры озыы учкеменызы, стахановец Ефремов эш скалтэк кылиз.

Район но райисполком велучастоклэн урод ужез сярэсь умой тодо, озы но нокычэ ужрад'ёс уг кутыло. Нош Демин но Новоселов со моментэн пользоваться карисько.

РОНДО.

Газет'ес но журнал'ес уг вуо

Сурон сельсоветысь гожтэт'ёсты но газет'ёсты нулльсь Аверкиев сярэсь „Шаркан коммуна“ газет одйпол гинэ өз гож'ялли ни. Озы ке но, газет'ёсты нуллон уж одйг но өз воштыськы. Газет'ёс толэзьлы 3-4 номер гинэ вуо. Газет'ёс вуымтэ сярэсь

Аверкиевлэсь юаськод ке, „Сосновка почтаысь сомында гинэ лэзё“,—шуса валэктэ. Нош журнал'ёс сярэсь веранэз ик ёвл. Соосты басыты коть эн, дорал уз вуттэ.

Таке ужез Шаркан почталы эскерыса, кулэ ужрад'ёс кутыно. Д. БИН.

МУКЕТ

КУИ'ЕСЫН

Парижын бадзым МИТИНГ

Франциясь компартия бадзым митинг ортчылэз. Та митинг Парижысь ужаса ульсьёслэн баскской калык'ёсын солидарной луонзылы сйемын вал. Отчы 20 сюрс муртлэсь но уно калык люкаскылыз.

Каталониясь отазеяськем социалистической партилэн нимыныз выступать карись представитель тазы шуиз.

—Троцкист'ёслэн Барселонаын лэсьтэм ужзы троцкист'ёслэсь фашизмлэн но капитализмлэн агент'ёсыз луэмзэс быдэс дуннеысь ужаса ульсьёслы возьматйз.

Баск'ёслэн куньсытызы компартилен центральной комитетэзлэн членэз ас вераназ Франциясь вань ужаса ульсьёсты Бильбаосы мирной калыкы юртыны ёгыса вазиськыт. Соку ик тазы шуиз на:

—Кык пароход'ёс Бильбаое преловольствие нуыны дасясько ни. Отысь берен кошкыкузы соос Бильбаосысь нылшиосты, соослы кышкыт луисьтэм интыосы нуозы.

Митингын резолюция кутэмын. Та резолюция Лиганация азе, Гитлерлэн но Муссолинилэн армиоссылы юрттыса быдэс калык'ёсты быдтыны турттйсьёслы пумит чурьтэсь ужрад'ёс кутыны курон пуктэ.

240 мурт тюрьмаосы пуктэмын

Барселонаысь (Испания) тюрьмаосын 240 мурт пуко. Соос вапэзы ик каталонской правительстволы пумит жутскемзы понна пуктэмын.

Редактор ЦЕРБАКОВ.

Заемдэс басытыны дыртэ

25-тй мае кыктэтй пятилетка (4-тй выпуск) зяёмлэн нырысетй тиражез луоз. Соин ик, райсберкасса, кажной подписчикез но вуж зяём'ёсез хранение сётэм мурт'ёсты выль зяём басытыны куре. 23-тй маёз воштыны яке басытыны быгатымтэ зяём'ёс тиржын уз шудэ.

Сберкасса МАКСИМОВ.